

**სახელმწიფო შესყიდვის შესახებ ხელშეკრულება №147/2024****ქ.თბილისი**

ერთის მხრივ ს.ს.ი.პ. – სურსათის ეროვნული სააგენტო (შემდგომში “შემსყიდველი”), წარმოდგენილი მისი უფროსის ზურაბ ჩეკურაშვილის სახით და მეორეს მხრივ **შპს მულტიტესტი**, წარმოდგენილი მისი დირექტორის ლევან კალანდაძის სახით, “სახელმწიფო შესყიდვების შესახებ” საქართველოს კანონის და მიმწოდებლის სატენდერო წინადადების საფუძველზე, **NAT240003248** ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

“ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

“ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის.

1.3. “დღე”, “კვირა”, “თვე” - კალენდარული დღე, კვირა, თვე.

1.4. “მომსახურება” – ხელშეკრულების მე-2 მუხლით გათვალისწინებული ხელშეკრულების საგანი.

“ტექნიკური დავალება” - სატენდერო დოკუმენტაციის ტექნიკური დავალება, რომელიც წარმოადგენს ხელშეკრულების განუყოფელ ნაწილს.

“ტექნიკური დოკუმენტაცია” - მიმწოდებლის მიერ ტენდერში წარმოდგენილი ტექნიკური დოკუმენტაცია, რომელიც წარმოადგენს ხელშეკრულების განუყოფელ ნაწილს.

2. ხელშეკრულების საგანი

2.1. ხელშეკრულების საგანს წარმოადგენს ლაბორატორიული მომსახურების (CPV:71900000) შესყიდვა;

2.2. მომსახურება გულისხმობს ალკოჰოლური სასმელების ფიზიკური და ქიმიური მაჩვენებლების განსაზღვრას. მომსახურების ადგილმდებარეობა - საქართველო.

2.3. ნიმუშების სავარაუდო რაოდენობა - 150

2.4. მომსახურების მიწოდების პირობების აღწერა მითითებულია ტექნიკურ დავალებაში.

3. ხელშეკრულების ჯამური ღირებულება

3.1. ხელშეკრულების ჯამური ღირებულება შეადგენს **38,400 (ოცდათვრამეტი ათას ოთხასი)** ლარს.

3.2. ხელშეკრულების ჯამური ღირებულება მოიცავს შემსყიდველისათვის ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს, მათ შორის საქართველოს კანონმდებლობით გათვალისწინებულ ყველა შესაბამის გადასახადებს.

3.3. ხელშეკრულების დაფინანსების წყაროა სახელმწიფო მიზნობრივი ქვეპროგრამა “სურსათის უვნებლობის სახელმწიფო კონტროლი”.

4. მომსახურების მიწოდების ვადები და ადგილი

მომსახურების მიწოდება განხორციელდება ეტაპობრივად, შემსყიდველის მოთხოვნის შესაბამისად 2024 წლის 25 დეკემბრის ჩათვლით.

5. მიღება-ჩაბარების წესი

- 5.1. ფაქტიურად გაწეულ მომსახურებაზე მხარეებს შორის გაფორმდება მიღება-ჩაბარების აქტი შესაბამისი ღირებულების ასახვით;
- 5.2. შემსყიდველის მხრიდან მიღება-ჩაბარების აქტზე ხელმოწერი უფლებამოსილი პირები არიან კონტროლის განმახორციელებელი ჯგუფის წევრები.

6. ანგარიშსწორების პირობები

- 6.1. მიმწოდებელთან ანგარიშსწორება განხორციელდება ეროვნულ ვალუტაში, შესაბამისი მიღება-ჩაბარების აქტის გაფორმების შემდეგ;
- 6.2. ანგარიშსწორების ფორმა იქნება – უნაღდო, თანხა ჩაირიცხება ხელშეკრულებაში მითითებულ, მოწოდებლის საბანკო რეკვიზიტებზე;
- 6.3. ანგარიშსწორება მოხდება სამუშაო 10 დღის განმავლობაში მიღება-ჩაბარების აქტის გაფორმებისა და სათანადო საგადახდო დოკუმენტების შემსყიდველისთვის მიწოდების თარიღიდან (იმის მიხედვით რომელი უფრო გვიან მოხდება).

7. მხარეთა უფლება-მოვალეობები

- 7.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;
- 7.2. შემსყიდველი ვალდებულია გადაიხადოს მომსახურების გაწევის ღირებულება ხელშეკრულების პირობებისა და ვადის გათვალისწინებით;
- 7.3. მიმწოდებელი უფლებამოსილია მოსთხოვოს შემსყიდველს მიწოდებული მომსახურების ღირებულების ანაზღაურება ხელშეკრულების პირობებისა და ვადის გათვალისწინებით;
- 7.4. მიმწოდებელი ვალდებულია:
 - 7.4.1. შემსყიდველს მიაწოდოს დადგენილი ხარისხითა და სტანდარტების მომსახურება.
 - 7.4.2. ლაბორატორიული გამოცდის მიზნით აღებული სურსათის ნიმუში ლაბორატორიას გადაეცემა სააგენტოს უფლებამოსილი თანამშრომლის მიერ შესაბამისი მიმართვით: ორშაბათიდან ხუთშაბათის ჩათვლით, 10:00 სთ-დან 18:00 სთ-ის ჩათვლით, ხოლო, პარასკევს, 10:00-სთ-დან 16:00 სთ-ს ჩათვლით. განსაკუთრებულ შემთხვევაში ლაბორატორიამ უნდა უზრუნველყოს ნიმუშების მიღება კვირის ნებისმიერ დღეს და დღისა და ღამის ნებისმიერ მონაკვეთში. ლაბორატორია სურსათის ნიმუშის კვლევას იწყებს სურსათის სახეობის შესაბამისად, კერძოდ: დაუყოვნებლივ (განსაკუთრებით მალეუჭებადი) ან/და არაუგვიანეს 24 საათისა - (ყველა დანარჩენი). მიმწოდებელმა უნდა უზრუნველყოს სააგენტოს შესაბამისი სტრუქტურული ერთეულის ხელმძღვანელის ან ნიმუშის/სინჯის ამღები უფლებამოსილი თანამშრომლის დაუყოვნებელი ინფორმირება (სატელეფონო შეტყობინებით ან ელექტრონული ფოსტით) ნიმუშის/სინჯის გამოცდის შედეგების შესახებ, ხოლო გამოცდის ოქმი (სათანადო ნორმატიული აქტით დადგენილი შინაარსითა და ფორმით) უნდა გაუგზავნოს შემსყიდველს (მ.შ. სააგენტოს ნიმუშის მიმტანი შესაბამისი სტრუქტურულ ერთეულს ან ნიმუშის ამღები უფლებამოსილი თანამშრომელს) წერილობით, კვლევის დასრულებიდან 48 საათის განმავლობაში. თუ აღნიშნული 48 საათიანი ვადის ამოწურვა ემთხვევა არასამუშაო დღეს, გამოცდის ოქმი (სათანადო ნორმატიული აქტით დადგენილი შინაარსითა და ფორმით) უნდა გაეგზავნოს შემსყიდველს ვადის ამოწურვიდან პირველივე სამუშაო დღეს. ანგარიშსწორების მიზნებისათვის, მიმწოდებელი ვალდებულია თავისი ხელმოწერითა და ბეჭდით დადასტურებული გამოცდის ოქმის ორიგინალი და მიმართვა ინვოისთან ერთად წარადგინოს შემსყიდველთან არაუგვიანეს 25 დეკემბრისა. გამოცდის ოქმში მითითებული უნდა იყოს ნიმუშის მიღების თარიღი/დრო და ლაბორატორიული კვლევის დაწყების და დასრულების თარიღი/დრო;
 - 7.4.3. ჰომოგენიზებული ნიმუშის 2 თვის განმავლობაში შესაბამის პირობებში შენახვა, რათა უფლებამოსილი პირის მიერ განხორციელდეს რეფერენტული ნიმუშის აღება ჰომოგენიზებული (ერთგვაროვანი) გაერთიანებული ნიმუშიდან საქართველოს მთავრობის 2015 წლის 16 ოქტომბრის #533 დადგენილებით დამტკიცებული „სურსათის/ცხოველის საკვების უვნებლობის სახელმწიფო კონტროლის განხორციელების წესი“-ს მე-16 მუხლით გათვალისწინებულ შემთხვევაში - რეფერენტული გამოცდის ჩატარების მიზნით.
 - 7.4.4. ლაბორატორია ვალდებულია შესაბამის პირობებში შეინახოს გამოკვლეული ნიმუშებიდან გამოყოფილი მიკროორგანიზმის კულტურა არანაკლებ ერთი თვის განმავლობაში და სააგენტოს მოთხოვნის შემთხვევაში უზრუნველყოს აღნიშნული კულტურის გადმოცემა;

- 7.4.5. თავისი ხელმოწერითა და ბეჭდით დადასტურებული გამოცდის ოქმის ორიგინალი და მიმართვა საანგარიშსწორებო დოკუმენტთან ერთად წარადგინოს შემსყიდველთან არაუგვიანეს 2023 წლის 25 დეკემბრისა;
- 7.4.6. შესაბამისი ფორმის მიხედვით ჩატარებული ტექნიკური ოპერაციის, თითოეული გამოცდა-ანალიზის, საანალიზო ნიმუშების გამოცდის ოქმების, გრაფიკების, გაზომვების, ცხრილების, ნახაზების, მიღებული პასუხების, ინსტრუმენტალური კვლევის შედეგების, შენახვა და დაცვა პირადი პასუხისმგებლობის ქვეშ 2 თვის განმავლობაში და წარმოადგინონ ისინი მოთხოვნის შემთხვევაში;
- 7.4.7. ამ მუხლის 7.4.2. პუნქტში გათვალისწინებული ვადები იანგარიშება (იწყება) მიმწოდებლის მიერ სატენდერო წინადადებაში მითითებული გამოსაკვლევი მაჩვენებლის შესრულების ვადებით განსაზღვრული ბოლო საათის ამოწურვის დადგომის დღის დამთავრებიდან.

8. ხელშეკრულების კონტროლი

- 8.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველის მხრიდან განსაზღვრული პირ(ებ)ი;
- 8.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქციაა მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;
- 8.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.
- 8.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისთვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.
- 8.5. ყველა გამოვლენილ ნაკლოვანებათა აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. გარანტია

მიმწოდებელი იძლევა გარანტიას, რომ მის მიერ გაწეული მომსახურება იქნება ხარისხიანი, საერთაშორისო სტანდარტებისა და ტენდერის ტექნიკურ დავალებაში მითითებულ მოთხოვნებთან სრულ შესაბამისობაში, წინააღმდეგ შემთხვევაში მიმწოდებელი ვალდებულია საკუთარი სახსრებით აღმოფხვრას ყველა ნაკლი.

10. პირგასამტეხლო ხელშეკრულების პირობების შეუსრულებლობისათვის

- 10.1. დაუძლეველი ძალის შემთხვევის გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის ან/და არაჯეროვანი შესრულების შემთხვევაში გამოიყენება პირგასამტეხლო.
- 10.2. ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 20%-ის ოდენობით.
- 10.3. ხელშეკრულებით ნაკისრი ვალდებულებების ნაწილობრივ შესრულების შემთხვევაში მიმწოდებელს დაეკისრება პირგასამტეხლო შესასრულებელი (დარჩენილი) ვალდებულებების 10%-ის ოდენობით.
- 10.4. ხელშეკრულებით ნაკისრი ვალდებულებების შესრულების ვადის, მათ შორის, ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.
- 10.5. იმ შემთხვევაში, თუ 10.4 პუნქტით გათვალისწინებულ შემთხვევებში დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 10.6. ხელშეკრულებით გათვალისწინებული ანგარიშსწორების ვადის გადაცილებისთვის მიმწოდებელი უფლებამოსილია, შემსყიდველს დააკისროს პირგასამტეხლო ყოველ ვადაგადაცილებულ დღეზე მიმწოდებლისთვის ჩასარიცხი თანხის 0.02%-ის ოდენობით.
- 10.7. ვადის გადაცილებისთვის დაკისრებული პირგასამტეხლოს გადახდა არ ათავისუფლებს მხარეს ხელშეკრულებით გათვალისწინებული ვალდებულებების შესრულებისგან.

- 10.8. მიმწოდებელმა პირგასამტეხლობის გადახდა და აღნიშნულის დამადასტურებელი დოკუმენტის შემსყიდველთან წარმოდგენა უნდა უზრუნველყოს წერილობითი შეტყობინებიდან 10 დღის განმავლობაში.
- 10.9. ხელშეკრულების 8.5 პუნქტით გათვალისწინებულ შემთხვევაში ზარალის ანაზღაურებასთან დაკავშირებული სადავო საკითხები გადაწყდება საქართველოს კანონმდებლობის შესაბამისად.

11. ხელშეკრულებაში ცვლილებების შეტანა

- 11.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 11.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით და “სახელმწიფო შესყიდვების განხორციელების შესახებ” დებულების 25-ე მუხლით გათვალისწინებული შემთხვევებისა.
- 11.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ჯამური ღირებულების 10%-ზე მეტი ოდენობით.
- 11.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების შეწყვეტა

- 12.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.
- 12.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 12.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;
- 12.4. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.
- 12.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

13. დაუძლეველი ძალა

- 13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დუძლეველი ძალის ზეგავლენით.
- 13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან.
- 13.3. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

14. სხვა პირობები

- 14.1. ხელშეკრულება ძალაში მისი ხელმოწერის მომენტიდან და მოქმედებს 2025 წლის 01 თებერვლამდე.
- 14.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 14.3. ხელშეკრულება შედგენილია ქართულ ენაზე, ელექტრონულად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 14.4. გამარჯვებული პრეტენდენტის მიერ წარმოდგენილი სატენდერო წინადადება და დანართები წარმოადგენს ხელშეკრულების განუყოფელ ნაწილს.

დანართი

N	მომსახურება	ნიმუშების სავარაუდო რაოდენობა	ერთეულის ფასი	ლაბორატორიული კვლევის ღირებულება სულ
1	ალკოჰოლური სასმელებში ფიზიკური და ქიმიური მაჩვენებლების განსაზღვრა	150	256.00	38,400.00

შემსყიდველი სსიპ – სურსათის ეროვნული სააგენტო	მიმწოდებელი შპს მულტიტესტი
ს.კ. – 205142200 თბილისი, მარშალ გელოვანის №6 სახელმწიფო ხაზინა ანგარიში: 200122900 კოდი: 220101222	ს/ნ 205025676 მისამართი: ქ.თბილისი, სოფელი დილომი მომსახურე ბანკი: სს "თიბისი ბანკი" ტელ: +995 32 144848 ელ.ფოსტა: info@multitest.ge ბ.კ. – TBCBGE22 ა.ა. – GE24TB0600000360200314
სააგენტოს უფროსი	დირექტორი
ზურაბ ჩეკურაშვილი _____	_____ ლევან კალანდაძე

ზურაბ ჩეკურაშვილი



სააგენტოს უფროსი

სსიპ სურსათის ეროვნული სააგენტო

